

唐  
音  
統  
籤

戊籤七十二皮日休之七

唐音統籤卷

六百八十八

七言律詩二

訓魯望惜春見寄

十五日中春日好可憐  
沈痼冷如灰以前雖被愁  
將去向後須教酒領來  
梅片盡飄輕粉靨柳芽初  
吐爛金醅病中無限花  
番次爲約束東風且住開

和春兩卽事次韻

織恨凝愁映鳥飛  
半旬飄灑掩韶暉  
山容洗得如烟瘦  
地脉流來似乳肥  
野客正閒移竹遠  
幽人多病探花稀  
何年細濕華陽道  
蘭乘巾車相並歸

和病中秋懷次韻

貧病於君亦太兼才高應亦被天嫌因分鶴料家  
資減爲置僧餐口數添靜裏改詩空凭几寒中注  
易不開簾清詞一一侵真宰甘取窮愁不用占

和早春雪中作吳體見寄

威仰噤死不敢語瓊花雲魄清珊珊溪光冷射觸  
鷗鴉柳帶凍脆攢欄杆竹根乍燒玉節快酒面新  
潑金膏寒全吳縹瓦十萬戶惟君與我如袁安

和早秋吳體次韻

書淫傳癖窮欲死饒饒何必頻相仍日乾陰藓厚

堪剝藤把歌松牢似繩搗藥香侵白袷袖穿雲潤  
破烏紗稜安得瑤池飲殘酒半醉騎下垂天鵬

和獨夜有懷作吳體見寄次韻

病鶴帶霜傍獨屋破巢含雪傾孤梧濯足將加漢  
光腹抵掌欲捋梁武鬚隱几清吟誰敢敵枕琴高  
卧真堪圖此時枉欠高散物楠齋作樽石作壚

和四月十五日道室書事

望朝齋戒是尋常靜啓塗根第幾章竹葉飲爲甘  
露色蓮花鮮作肉芝香松膏背日凝雲磴丹粉經  
年染石床剝欲與君終此志頑仙唯恐鬢成霜

和上元日道室焚修次韻

明真臺上下仙官玄藻初吟萬籟寒  
飈御有聲時杳杳寶衣無影自珊珊  
藥書乞見齋心易玉籍求天拜首難  
端簡不知清景暮靈蕪香燼落金壇

魯望以花翁之什見招同次韻酬之

九十携鋤僂僂翁小園幽事盡能通  
斲煙栽藥爲身計負水澆花是世功  
婚嫁定期杉葉紫葢藏應待桂枝紅  
不知家道能多少只在句芒一夜風  
偶成小酌招魯望不至以詩爲解因次韻酬之

醉侶相邀愛早陽小筵催辦不勝忙  
衝深柳駐吳娃憶倚短花排羯鼓床  
金鳳欲爲鶯引去鈿蟬疑被蝶勾將  
如何共是忘形者不見漁陽慘一場

和新夏東郊閑泛見懷次韻

水物輕明淡似秋多情才子倚蘭舟  
碧莎裳下攜詩草黃籬樓中挂酒篋  
蓮葉蘸波初轉棹魚兒簇餌未諳鉤  
共君莫問當時事一點沙禽勝五侯

和同遊北禪院

槭歷杉陰入草堂老僧雖見似相忘  
吟多幾轉蓮花漏坐久重焚柏子香  
魚慣齋時分淨食鴿能閒

處傍禪床雲林滿眼空羈滯欲對彌天卻自傷

和寒夜訪寂上人次韻

院寒青靄正沈沈霜棧乾鳴入古林數葉貝書松  
火暗一聲金磬檜烟深陶潛見社無妨醉殷浩譚  
經不廢吟何事欲攀塵外契除君皆有利名心

和秋賦有期見寄次韻

十載江湖盡是閑客兒詩句滿人間郡侯聞譽親  
邀得鄉老知名不放還應帶瓦花經汴水更携雲  
實出包山太微宮裏環岡樹無限瑤枝待爾攀

臨頓宅將有于歸之日魯望以詩見貺因抒

懷訓之

共老林泉忍暫分此生應不識迴文幾枚竹笥送  
德曜一乘柴車迎少君舉案品多緣澗藥承家事  
少爲谿雲居然自是幽人事輒莫教他孫壽聞

和懷楊台文楊鼎文二秀才

羊曇留我昔經春各以篇章闕五雲賓草每容閒  
處見擊琴多任醉中間釣前青翰交加倚醉後紅  
魚取次分爲說風標曾入夢上仙初著翠霞裙

奉和寄南陽廣文雷平次韻

春彩融融釋凍塘日精間嚙坐巖房瓊函靜啓從



猿覷金液初開與鶴嘗八會舊文多榻寫七真遺  
語剩思量不知夢到爲一作驚何處紅藥滿山烟月  
香

和徐方平後閨赦次韻

金雞烟外上臨軒紫誥新垂作解恩涿鹿未銷初  
敗血新安頓雪已坑蒐空林葉盡蝗來郡腐骨花  
生戰後村未遣蒲車問幽隱共君應老抱桐孫

顧道士亡弟子以束帛乞銘于余魯望因賦  
戲贈曰休奉和

師去東華卻鍊形門人求我誌金庭大椿枯後新

爲記仙鶴亡來始有銘

前朝文集未  
有道士銘誌

瓊板欲刊知

不朽冰紈將受恐通靈君才莫歎無茲分合注神

玄劍解經

南陽廣文欲于荆襄卜居因而有贈

地肺從來是福鄉廣文高致更無雙青精飯熟雲

侵竈白襖裘成雪濺窓度日竹書千萬字經冬木

煎兩三缸鱸魚自是君家味莫背松江憶漢江

廣文

張姓  
故云

醉中卽席贈潤卿博士

適越遊吳一散仙銀餅玉柄兩脩然茅山頂上携

書簾笠澤心中漾酒船桐木布溫吟倦後桃花飯  
熟醉醒前謝安四十餘方起猶自高閒得數年

重玄寺元達年逾八十好種名藥凡所植者  
多至自天台四明包山句曲叢萃紛糅各可  
指名余竒而訪之因題二章

雨滌烟鋤偃僂賁紺牙紅甲兩三畦藥名却笑桐  
君少年紀翻嫌竹祖低白石靜敲蒸木火清泉閒  
洗種花泥怪來昨日休持鉢一尺彫胡似掌齊  
香蔓蒙龍覆昔邪桂烟杉露濕袈裟石盆換水撈  
松葉竹徑穿床避笋芽藜杖移時挑細藥銅瓶盡

日灌幽花支公謾道憐神駿不及今朝種一麻

病中書情寄上崔諫議

時眼疾未平

十日來來曠奉公閉門無事忌春風蟲絲度日縈  
琴薦蛙粉輕時落酒筒馬足歇從殘漏外魚須拋  
在亂書中殷勤莫怪求醫切只爲山櫻欲放紅

醉中偶作呈魯望

豁雲瀾鳥本吾儕剛爲浮名事事乖十里尋山爲  
思役五更看月是情差分將吟咏華雙髻力以壺  
觴固百骸爭得草堂同卧去共君同作太常齋

吳中言情寄魯望

古來愴父愛吳鄉一上胥臺不可忘愛酒有情如  
手足除詩無計似膏肓宴時不輟琅書味齋日難  
判玉鱸香爲說松江堪老處滿船烟月濕莎裳

卧疾感春寄魯望

烏皮几上困騰騰玉柄清羸愧不能昨夜眠時稀  
似鶴今朝餐數減於僧藥銷美祿應天折醫過芳  
辰定鬼憎任是雨多遊未得也須收在探花朋

暇日獨處寄魯望

幽慵不覺耗年光犀柄金徽亂一牀野客共爲餘  
酒計家人同作借書忙園蔬預遣分僧料廩粟先

教算鶴糧無限高情好風月不妨猶得事吳王

魯望春日多尋野景日休抱疾杜門因有是

寄

野侶相逢不待期半緣幽事半緣詩烏紗任岸穿  
筋竹白衿從披趂肉芝數卷蠹魚碁處展幾勝菰  
米釣前炊病中不用君相憶折取山櫻寄一枝

聞魯望遊顏家林園病中有寄

一夜韶姿著水光謝家春草滿池塘細挑泉眼穿  
新脉輕把花枝嗅宿香蝶欲試飛猶護粉鶯初學  
嚙尚羞簧分明不得同君賞盡日傾心羨索郎

病中美景頗阻迫遊因寄魯望

癭牀閒臥晝迢迢唯抱真如慰寂寥南國不須收  
蕙苾百年終竟是芭蕉藥前美祿應難斷枕上芳  
辰豈易銷看取病來多少日早梅零落玉華焦

江南道中懷茅山廣文南陽博士三首

寒嵐依約認華陽遙想高人臥草堂半日始齋青  
餽飯移時空印白檀香鶴雛入夜歸雲屋乳管逢  
春落石床誰道夫君無伴侶不離窓下見羲皇  
住在華陽第八天望君唯欲結良緣堂倚洞裏千  
秋燕戶蓋巖根數斗泉壇上古松疑度世觀中幽

鳥恐成仙不知何事迎新歲烏納衷中一覺眠烏

表出王筠集

五色香烟惹內文

許遠遊燒香五色烟

石飴初熟酒初醺將

開丹竈那防鶴欲算碁圖卻望雲海氣半生當洞

見瀑水初坼隔山聞如何世外無交者

許邁與王羲之父子

爲世外之交

一臥金壇只有君

### 懷華陽潤卿博士三首

先生一向事虛皇天市壇西與世忘環堵養龜

茅山

志作床脚支龜

看氣訣刀圭餌犬試仙方靜探石腦衣裾

潤閒鍊松脂院落香聞道徵賢須有詔不知何日



到良常

真心唯事白英君不問人間爵與勲林下醉眠仙  
鹿見洞中閑話隱芝聞石床臥苦渾無蘚藤篋開  
稀恐有雲料得虛皇新詔樣青瓊板上綠爲文

鳳骨輕來稱瘦容華陽館主未成翁

陶隱居昔爲華陽館主

數行玉札存心久一掬雲漿漱齒空白石煮多熏

屋黑丹砂埋久染泉紅他年欲事先生去十資須

加陸逸冲

逸冲嘗事隱居隱居錫名樓靜處士十資猶人間九錫也

寄懷南陽潤卿

鹿門山下捕魚郎今向江南作謁羌無事只陪看

藕樣有錢唯欲買湖光醉來渾忘移花處病起空  
聞焙藥香何事對君猶有愧一篷衝雪返華陽

初冬偶作寄南陽潤卿

寓居無事入清冬雖設樽罍酒半空白菊爲霜翻  
帶紫蒼苔因雨却成紅迎潮預遣收魚笱防雪先  
教蓋鶴籠唯待支硎最寒夜共君披氍訪林公

寄潤卿博士

高眠可爲要玄纁鵲尾金爐一世焚

陶貞白有金鵲尾香爐

塵外鄉人爲許椽山中地主是茅君將收芝菌唯  
防雪欲晒圖書不柰雲若使華陽終臥去漢家封

禪用誰文

夏景無事因懷章來二上人

澹景微陰正送梅幽人避暑癭楠杯水花移得和  
魚子山蕨收時帶竹胎嘯館大都偏得月醉鄉終  
竟不聞雷更無一事唯留客卻被高僧怕不來  
佳樹盤珊枕草堂此中隨分亦閒忙平鋪風簾尋  
琴譜靜掃烟窓著藥方幽鳥見貧留好語白蓮知  
臥送清香從今有計消閒日更爲支公置一床

登初陽樓寄懷北平郎中

危樓新製號初陽白粉青葦射沼光避酒幾浮輕

解艇下碁曾覺睡鴛鴦投鉤列坐圍華燭格籩分  
朋占靚粧莫怪重登頻有恨二年曾侍舊吳王

吳中書事寄漢中裴尚書

萬家無事鎖蘭橈鄉味腥多厭紫蘿

江文通集云紫蘿石上花也

水似棋文交度郭柳如行障儼遮橋青梅帶重初  
迎雨白鳥羣高欲避潮唯望舊知憐此意得爲愴  
鬼也逍遙

寄瓊州楊舍人

德星芒彩瘴天涯酒樹堪消謫宦嗟行遇竹王因  
設奠居逢木客又遷家清齋淨漉枕榔麴遠信閑

封荳蔻花清切會須歸有日莫貪句漏足丹沙

寄滑州李副使員外

兵繞臨淮數十重鐵衣才子正從公軍前草奏旄  
頭下城上封書箭籀中圍合只應聞曉雁血腥何  
處避春風故人勲重金章貴猶在江湖積劍功

吳中言懷寄南海二同年

曲水分飛歲已賒東南爲客各天涯退公祗傍蘇  
勞竹移宴多隨末利花銅鼓夜敲溪上月布帆晴  
照海邊霞三年謾被鱸魚累不得橫經侍絳紗

寄毘陵魏處士朴

文籍先生不肯官絮巾衝雪把魚竿一堆方冊爲  
侯印三級幽巖是將壇醉少最因吟月冷瘦多偏  
爲臥雲寒兔皮衾煖蓬舟穩欲共誰遊七里灘

卷終

唐鏡七十二皮日休之八

唐音統籤卷

六百八十九

七言律詩三

南陽潤卿將歸雷平因而有贈

借問山中許道士此迴歸去復何如  
竹屏風扇抄遺事柘步興竿繫隱書  
絳樹實多分紫鹿丹沙泉淺種紅魚  
東卿旄節看看至靜啓茅齋慎掃除

送潤卿博士還華陽

雪打篷舟離酒旗華陽居士半酣歸  
逍遙只恐逢雲將恬澹真應降月妃  
仙市鹿胎如錦嫩陰宮燕肉似酥肥  
公車草合蒲輪壞爭不教他白日飛

奉送浙東德師侍御罷府西歸

建安才子太微仙暫上金臺許二年形影欲歸溫  
室樹夢龜猶傍越溪蓮空將海月爲京信尚使樵  
風送酒船從此受恩知有處免爲傖鬼恨吳天

送李明府之任南海

五羊城在蜃樓邊墨綬垂腰正少年山靜不應聞  
屈鳥草深從使翳貪泉蟹奴晴上臨潮檻熱婢秋  
隨過海船一事與君消遠宦乳蕉花發訟庭前

送羊振文先輩往桂陽歸覲

桂陽新命下彤墀彩服行當欲雪時登第已聞傳



欄賦問安猶聽講韓詩竹人臨水迎符節

曹昆湘中賦云

貫管中實內有實狀如人也

風母穿雲避信旗

桂陽山中有風母獸擊殺見風

輒活無限湘中倬騷恨憑君此去謝江離

### 送董少卿游茅山

名卿風度足杓斜一舸閒尋二許家天影曉通金井水山霧深護玉門沙空壇禮後銷香母陰洞緣時觸乳花盡待于公作廷尉

卿嘗爲大理用法有廉平之稱不須從此便餐霞

### 孫發百篇將遊天台請詩贈行因以送之

孫子荆家思有餘元戎曾薦入公車百篇宮體喧

金星一日官衙下玉除紫府近通齋後夢赤城新  
有寄來書因逢二老如相問正滯江南爲鯁魚

臘後送內大德從勗遊天台

講散重雲下九天大君恩賜許隨緣霜中一鉢無

辭乞湖上孤舟不廢禪夢入瓊樓寒有月

天台山有金庭

不死之鄉及

行過石樹凍無烟

案消山有石樓樹吳大皇元年郡吏

伍曜于海際得之枝莖紫色有光南越謂之石連理也

他時瓜鏡知何用吳

越風光滿御筵

庚寅歲十一月新羅弘惠上人與本國同書

請日休爲靈鷲山周禪師碑將還以詩送之

三十麻衣弄渚禽豈知名字徹雞林勤銘雖卽多  
遺草越海還能抵萬金鯨鬣曉掀峯正燒鰲晴夜  
沒島還陰二千餘字終天別東望辰韓淚洒襟

送圓載上人歸日本國

講殿談餘著賜衣椰帆卻返舊禪扉貝多紙上經  
文動如意餅中佛爪飛颺母影邊持戒宿波神宮  
裏受齋歸家山到日將何入白象新秋十二圍

重送

雲濤萬里最東頭射馬臺深玉署秋

射馬臺卽今王城也無

限屬城爲鰥國幾多分界是亶州

州在會稽海外傳是徐福之裔

取經海底開龍藏誦呪空中散蜃樓不柰此時貧  
且病乘桴直欲伴師游

魯望憫承吉之孤爲詩序邀予屬和欲用予  
道振其孤而利之噫承吉之困身後乎魯望  
視予困與承吉生將孰若哉未有已困而能  
振人者然抑爲之辭用塞良友之意

先生清骨葬烟霞業破孤存孰爲嗟幾篋詩編分  
貴位一林石笋散豪家兒過舊宅啼楓影姬繞荒  
田泣稗花唯我共君堪便戒莫將文譽作生涯

傷進士嚴子重詩

并序

余爲童在鄉校時簡上抄杜舍人牧之集見有  
與進士嚴憚詩後至吳一日有客曰嚴某余志  
其名久矣遽懷文見造於是樂得禮而觀之其  
所爲工於七字往往有清便柔媚時可軼駭於  
常軌其佳者曰春光冉冉歸何處更向花前把  
一杯盡日問花花不語爲誰零落爲誰開余美  
之諷而未曾怠生舉進士亦十餘計惜余方寬  
之謂乎竟有得于時也未幾歸吳與後朝月雪  
人至云生以疾亡於所居矣噫生徒以詞聞于  
士大夫竟不名而遺豈止此而墮沒邪江湖間  
多美材士君子苟樂退而有文者死無不爲時  
惜可勝言耶於是哭而爲詩曾望生之友也當  
爲我  
同作

十哭都門榜上塵蓋棺終是五湖人生前有敵惟  
丹桂沒後無家祇白蘋簪下朝新醒處月江南依  
舊詠來春知君精爽應無盡必在鄴都頌帝晨

梁成

鄭都官頌紂  
絕標帝晨

傷史拱山人

一緘幽信自襄陽上報先生去歲亡山客爲醫翻  
貫藥野僧因弔卻焚香峰頭孤冢爲雲穴松下靈  
筵是石牀宗炳死來君又去終身不復到柴桑

傷開元觀顧道士

協晨宮上啓金扉詔使先生坐蛻歸鶴有一聲應  
是哭丹無餘粒恐潛飛煙淒玉笥封雲篆月慘琪  
花葬羽衣腸斷雷平舊游處五芝無影草微微  
以紗巾寄魯望因而有作

周家新樣替三梁

頭巾起後周武帝

裹髮偏宜白面郎掩

歛乍疑裁黑霧輕明渾似戴玄霜今朝定見看花  
晏明日應聞漉酒香更有一般君未識虎文巾在  
絳霄房

訓魯望見迎綠蜀次韻

輕裁鴨綠任金刀不怕西風斷野蒿訓贈旣無青  
玉案纖華猶欠赤霜袍烟披怪石難同逸竹映仙  
禽未勝高成後料君無別事只應酣飲詠離騷  
以紫石硯寄魯望兼訓見贈

樣如金蹙小能輕微潤將融紫玉英石墨一研爲

鳳尾寒泉半勺是龍睛騷人白芷傷心暗狎客紅  
筵奪眼明兩地有期皆好用不須空把洗溪聲

訓魯望見答魚牋之什

輕如隱起膩如飴除却鮫二解製稀欲寫恐成河  
伯詔試裁疑是水仙衣毫端白獺脂猶濕指下水  
蠶子欲飛若用莫將閒處去好題春思贈江妃

魯望以竹夾膝見寄因次韻訓謝

圓於玉柱滑於龍來自衡陽彩翠中拂潤恐飛清  
夏雨叩虛疑貯碧湘風大勝書客裁成東頗賽谿  
翁截作簫從此角中因爾戴俗人相訪若爲通



魯望以輪鉤相示緬懷高致因作三篇

角柄孤輪細膩輕翠蓬十載伴君行撚時解轉蟾  
蜍魄拋處能啼絡緯聲七里灘波喧一舍五雲溪  
月靜三更朱衣鮒足和簑睡誰信人間有利名

一線飄然下碧塘溪翁無語遠相望簑衣舊去烟  
披重箬笠新來雨打香白鳥白蓮爲夢寐清風清  
月是家鄉明朝有物充君信權酒三鉗寄夜航

權酒

山沈  
約集

盡日悠然舴艋輕小輪聲細雨冥冥三尋絲帶桐  
江爛一寸鉤含笠澤腥用近詹何傳釣法收和范

蠶養魚經孤蓬半夜無餘事應被嚴灘聒酒醒

開元寺佛鉢詩

并序

按釋法顯傳云佛鉢本在毘舍離今在乾陀衛  
竟若干百年當復至西月支國若干百年至  
開國若干百年當復至隋漢國若干百年當復來  
漢地晉建興二年二聖像浮海而至滬濱僧尼  
輩取之以歸今存于開元寺後建興八年漁者  
于滬濱沙洲上獲之以爲白類乃輩而用焉俄  
有佛像見于外漁者始爲異意滬濱聖之遺  
祥也乃以鉢供之迄今尚存余遂觀而爲之詠  
因寄天  
隨子

帝青石作綠水姿

佛律云此鉢帝青玉石四天王所獻也

曾得金人

手自持拘律樹邊齋散後提羅花下洗來時乳糜  
味斷中天覺麥麴香消大劫知從此共君親頂戴

斜風應不等閒吹

和魯望看壓新醅次韻

一簣松花細有聲旋將渠椀撇寒清秦吳只恐觴  
來近劉項真應釀得平酒德有神多客頌醉鄉無  
貨没人爭五湖烟水郎山月合向樽前問底名

行次野梅

萬拂蘿梢一樹梅玉妃無侶獨徘徊好臨王母瑤  
池發合傍蕭家粉水開共月已爲迷眼伴與春先  
作斷腸媒不堪便向多情道萬片霜華雨損來

楊州看辛夷花

月二  
臘前千朶亞芳叢細臘偏勝素標功螭首不言披  
曉雪麝臍無主任春風一枝拂地成瑤圃數樹參  
庭是藥宮應爲當時天女服至今猶未放全紅  
病中庭際海石榴花盛發感而有寄

一夜春光綻絳囊碧油枝上晝煌煌風勻秣似調  
紅露日暖唯憂化赤霜火齊滿枝燒夜月金津含  
藥滴朝陽不知桂樹知情否無限同遊阻陸郎

和魯望白菊

已過重陽半月天琅華千點照寒烟藥香亦似浮  
金罍花樣還如鏤玉錢玩影馮妃堪比艷鍊形蕭

史好爭妍無由摘向牙箱裏飛上方諸贈列仙

和薔薇次韻

誰繡連延滿戶陳暫應遮得陸郎貧紅芳掩歛將  
迷蝶翠蔓飄飄欲挂人低拂地時如隨馬高臨墻  
處似窺隣祗應是董雙成戲剪得神霞寸寸新

早春以橘子寄魯望

箇箇和枝葉捧鮮彩疑猶帶洞庭烟不爲韓嫣金  
丸重直是周王玉果圓剖似月竈初破後弄如星  
髓未銷前知君多病仍中聖盡送寒苞向枕邊

魯望以躬掇野蔬兼示雅什用以酬謝

杖撻春烟煖向陽煩君爲我致盈筐深挑乍見牛

脣液

爾雅云黃牛脣一名水鳥

細搗徐聞鼠耳香

本草云葉似鼠耳莖赤可

生食紫甲採從泉脉畔翠牙搜自石根傍胡飯熟  
餽餉軟不是高人不合嘗

聞開元寺開筍園寄章上人

園鏤開聲駭鹿羣滿林蘚繹水犀文森森競泫林  
梢雨巉巉爭穿石上雲並出亦如鵝管合各生還  
似犬牙分折烟裏露如相遺何胤明朝不茹葷

友人以人參見惠因以詩謝之

神草延年出道家

神草別名

是誰披露記三椀開時的

定涵雲液。斷後還應帶石花。名士寄來消酒渴。野人煎處撒泉華。從今湯劑如相續。不用金山焙上茶。

潤卿遺青餽飯兼之一絕聊用答謝

傳得三元餽飯名。大宛聞說有仙卿。

案西梁子文撰黃錦素書

十通其二傳大宛北谷子自號青精先生

分泉過屋春青稻。

此飯以青龍稻爲之

拂霧影衣折紫莖。

南稻莖微紫色

蒸處不教雙鶴見。服來

惟怕五雲生。草堂空坐無飢色。時把金津漱一聲。

和魯望白鷗

雪羽離離半惹泥。海雲深處舊巢迷。池無飛浪爭

教舞洲少輕沙若遣棲烟外失羣慙雁驚波中得  
志羨鳬鷺主人恩重真難遇莫爲心孤憶舊溪

病孔雀

烟花雖媚思沈冥猶自擡頭護翠翎強聽紫簫如  
欲舞困眠紅樹似依屏因思桂蠹傷肌骨爲憶松  
鷺損性靈盡日春風吹不起鈿毫金縷一星星

華亭鶴聞之舊矣及來吳中以錢半千得一  
隻養之殆經歲不幸爲飲啄所誤經夕而卒  
悼之不已遂繼以詩南陽潤卿博士浙東德  
師侍御毘陵魏不琢處士東吳陸魯望秀才



及厚於予者悉寄之請垂見和

池上低摧病不行誰教仙魄反層城陰苔尚有前  
朝跡皎月新無昨夜聲菰米正殘三日料筠籠休  
礙九霄程不知此恨何時盡遇着雲泉卽愴情

和魯望謝惠魚之什

釣公來信自松江三尺春魚撥刺霜腹內舊鉤苔  
染澀腮中新餌藻和香冷鱗中斷榆錢破寒骨平  
分玉筍光何事貺君偏得所祗緣同是越航郎

病中有人惠海蟹轉寄魯望

紺甲青筐染落衣島夷初寄北人時離居定有石

帆覺失伴唯應海月知族類分明連環玦

環玦似蚌中有

小蟹在腹中結出求食故淮海之人呼爲蟹奴

形容好箇似蟛蜞病中無

用霜螯處寄與夫君左手持

六言律詩

胥口卽事六言二首

波光杳杳不極潯景澹澹初斜黑蛺蝶粘蓮藥紅

蜻蜓裊葢花鴛鴦一處兩處舴艋三家五家會把

酒船隈荻共君作

去聲

箇生涯

拂釣清風細麗飄簑暑雨霏微湖雲欲散未散嶼

鳥將飛不飛換酒幘頭怕看載蓮艇子撐歸斯人

到死還樂誰道剛須用機

戊籤七十二皮日休之九

唐音統籤卷

六百九十

五言絕句

閒夜酒醒

以下  
文數

醒來山月高孤枕  
琴書裏酒渴謾思茶  
山童呼不起

秋江曉望

萬頃湖天碧一星飛鷺白  
此時放懷望不厭爲浮客

古宮詞三首

以下萬首  
絕句補

樓殿倚明月參差如亂峰  
宮花半夜發不待景陽

鐘

閒騎小步馬獨少萬年枝盡日看花足君王自不知

玉枕寐不足宮花空觸簷梁間燕不睡應怪夜明簾

古函關

破落古關城猶能扼帝京今朝行客過不待曉雞鳴

芳草渡

谿南越鄉首古柳渡江深日晚無來客閒船繫綠

陰

聰明泉

一勺如瓊液將愚擬望賢欲知心不變還似飲食泉

贈史處士

山期須早赴世累莫遲留忽遇狂風起閒心不自由

傷小女

一歲猶未滿九泉何太深惟餘卷施草相對共傷心

七言絕句

春夕酒醒

以下並  
松陵集

四絃纔罷醉蠻奴  
酹醪餘香在翠爐  
夜半醒來紅蠟短  
一枝寒淚作珊瑚

初冬偶作

豹皮茵下百餘錢  
劉墮閒沽盡醉眠  
酒病校來無一事  
鶴亡松老似經年

酒病偶作

鬱林步障晝遮明  
一炷濃香養病醒  
何事晚來還欲飲  
隔牆聞賣蛤蜊聲

松江早春

松陵清淨雪消初見底新安恐未如穩凭船舷無  
一事分明數得鱸殘魚

胥門閑泛

青翰虛徐夏思清愁烟漠漠荇花平醉來欲把田  
田葉盡褰當時醒酒鱗

虎丘寺西小溪閒汎三絕

鼓子花明白石岸桃枝竹覆翠嵐溪分明似對天  
台洞應厭頑仙不肯迷

絕壑祗憐白羽傲窮溪唯覺錦鱗癡更深尚有通



樵處或是秦人未可知

高下不驚紅翡翠淺深還礙白薔薇  
船頭繫個松根上欲待逢仙不擬歸

春日陪崔諫議櫻桃園宴

萬樹香飄水麝風蠟燭花雪盡成紅  
夜深歡態狀不得醉客圖開明月中

僧協書  
醉客圖

寒夜文讌潤卿有期不至

草堂虛灑待高真不意清齋避世塵  
料得焚香無別事存心應降月夫人

潤卿魯望寒夜見訪各惜其志遂成一絕

世外爲交不是親  
醉吟俱岸白綸巾  
風清月白更  
三點未放華陽鶴上人

宿水蘭院

水蘭院裏雙棲鶴  
長被金鉏聒不眠  
今夜宿來還  
似爾到明無計夢雲泉

泰伯廟

一廟爭祠兩讓君  
幾千年後轉清氛  
當時盡解稱  
高義誰敢教他莽卓聞

女墳湖

卽吳王葬女之所

萬貴千奢已寂寥  
可憐幽憤爲誰嬌  
須知韓重相

思骨直在芙蓉向下消

汴河懷古二首

文苑英華

萬艘龍舸綠絲間  
載到揚州盡不還  
應是天教開汴水  
一千餘里地無山

盡道隋亡爲此河  
至今千里賴通波  
若無水殿龍舟事  
共禹論功不較多

館娃宮懷古五絕

又松陵集

綺閣飄香下太湖  
亂兵侵曉上姑蘇  
越王大有堪羞處  
祇把西施賺得吳

鄭姐無言下玉墀  
夜來飛箭滿梁墀  
越王定指高

臺咲卻見當時金縷櫛

半夜娃宮作戰塲  
血腥猶作宴時香  
西施不及燒殘蠟  
猶爲君王泣數行

素襪雖遮未掩羞  
越兵猶怕伍員頭  
吳王恨魄今如在  
只合西施瀕上遊

響屧廊中金玉步  
采蘋山上綺羅身  
不知水葬今何處  
溪月彎彎欲效顰

### 臯橋

臯橋依舊綠楊中  
閭里猶生隱士風  
唯我到來居上館  
不知何道勝梁鴻

寄題天台國清寺齊梁體

十里松門國清路飯猿臺上菩提樹  
怪來烟雨落晴天元是海風吹瀑布

惠山聽松菴

范東生本

千葉蓮花舊有香半山金刹照方塘  
殿前日暮高風起松子聲聲打石牀

和魯望招潤卿博士辭以道侶將至之作

又松陵

集

瘦木樽前地肺圖爲君偏輟俗功夫  
靈真散盡先來此莫戀安妃在後無

又和再招

鷗馭已應歸杳眇博山猶自對氛氲不知八夜能  
來否紅蠟先教刻五分

醉中寄魯望一壺并一絕

門巷寥寥空紫苔先生應渴解醒杯醉中不得親  
相倚故遣青州從事來

再次韻酬魯望

蕭蕭紅葉擲蒼苔玄晏先生欠一杯從此問君還  
酒債顏延之送幾錢來

酬魯望醉中戲贈

秦吳風俗昔難同  
唯有才情事事通  
剛戀水雲歸不得  
前身應是太湖公

醉中先起李侍御因成戲贈走筆奉酬

麝烟冉冉生銀兔  
蠟淚漣漣滴繡闥  
舞袖莫欺先醉去  
醒來還解驗金泥

和魯望齊梁怨別次韻

芙蓉泣恨紅鉛落  
一朶別時烟似幕  
鴛鴦剛解惱離心  
夜夜飛來棹邊泊

寄同年韋校書

二年疎放飽江潭  
水物山容盡足耽  
唯有故人憐

水替欲封乾鱸寄終南

釣侶二章

趁眠無事避風濤一斗霜鱸換濁醪

吳中賣鱸怪魚鱸斗

兒童呼不得盡衝烟雨瀟車螯

嚴陵灘勢似雲崩釣具歸來放石層烟浪濤達寒不睡更將枯蚌點漁燈

友人許惠酒以詩餞之

野客蕭然訪我家霜蘚白菊南三花子山病起無餘事只望蒲臺酒一車

蘇軾集云蒲臺酒一傳名

魯望戲題書印囊事詩次韻



金裝方圓一寸餘可憐猶未思  
不知夫子將  
心印印破人間萬卷書

庭中初植松桂  
唐詩偶題奉和次韻

髣髴綠髮垂輕露獵獵丹華動  
猶勝俗似青童君  
欲會儼然相向立庭中

天竺寺八月十五日夜桂子

玉顆珊珊下月輪  
殿前拾得露華新  
至今不會天  
中事應是嫦娥擲與人

重玄寺雙矮檜

撲地枚徊是翠鈿  
碧絲籠細不成眠  
應如天竺難

陀寺一對後倪相枕眠

軍事院霜菊盛開因書一絕寄上諫議

金華千點曉霜凝獨對壺觴又不能已過重陽三十日至今猶自待王弘

重題薔薇

濃似猩猩初染素輕於燕燕欲凌空可憐細麗難勝日照得深紅作淺紅

金錢花

萬首絕句

陰陽爲炭地爲鑪鑄出金錢不用模莫向人前逞顏色不知還解濟人無

木蘭後池三詠

又松陵集

重臺蓮花

歌紅嬌媚力難任  
每葉頭邊半米金  
可得教他水妃見  
兩重元是一重心

浮萍

嫩似金脂颺似烟  
多情渾欲擁紅蓮  
明朝擬附南風信  
寄與湘妃作翠鈿

白蓮

但恐醍醐難並潔  
祇應薝蔔可齊香  
半垂金粉知何似  
靜婉臨溪照額黃

重題後池

細雨闌珊眠驚覺  
鋪波悠樣並鴛嬌  
適來會得荆王意  
祇爲蓮莖重細腰

和魯望玩金鶚鵠戲贈

鏤羽彫毛迥出羣  
溫磨飄出麝臍薰  
夜來曾吐紅茵畔  
猶似溪邊睡不聞

悼鶴

莫怪朝來淚滿衣  
墮毛猶傍水花飛  
遶東舊事今千古  
卻向人間葬令威

戊籤七十二皮日休之十

唐音統籤卷

六百九十一

雜體詩

并序

並松陵集

周禮太師掌教六詩風雅互作雜體遂生今不能備載載其他見者漢武元封三年作柏梁臺詔羣臣二千石有能爲七言詩者乃得上坐帝曰日月星辰和四時梁王曰驂駕騶馬從梁來由是聯句與焉孔融詩曰漁父屈節水潛匿方作郡姓名字離合也固是離合與焉晉傅咸有迴文反覆詩二首云反覆其文者以示憂心長轉也悠悠遠邁獨笑笑是也由是反覆與焉晉溫嶠有迴文虛言詩云寧神靜泊損有崇亡由是迴文與焉梁武帝云後難有朽柳沈約云偏眠船船遠由是疊韻與焉詩云蟬噪在東又曰鴛鴦在梁由是雙聲與焉詩云維南有箕不可以播揚維北有斗不可以挹酒漿近乎戲也古詩或爲之蓋風俗之言也古有據詩官命之曰風人圍棋燒敗襖看子故依詩出是風人之作興焉齊竟陵王郡縣詩曰追承荔浦揖道信

唐音統籤

卷六百九十一

戊

雲丘縣名由是興焉梁蔡名詩曰戍客恒山下  
當思衣錦歸藥名由是興焉余與陸魯望各有  
其作至如鮑昭之建除沈炯之六甲十二屬梁  
簡文之卦名陸惠曉之百姓梁元帝之鳥名龜  
北蔡黃門之口字古兩頭纖纖葉砧五雜組已  
降非不能也皆鄙而不爲噫由古至律由律至  
雜詩之道盡此矣近代作雜體唯劉賓客集中  
有迴文離合雙聲疊韻如聯句則莫若孟東野  
與韓文公之多他集罕見足知爲之之  
難也予竊慕其爲人叙雜體之始云

謝魯望夏日四聲四首

平聲

塘平芙蓉低庭閒梧桐高清煙埋陽烏藍空含秋  
毫冠傾慵移簪杯乾將餽槽條然非隨時夫君真  
吾曹

平上聲

溝渠通疎荷浦嶼隱淺篠舟閒攢輕蘋槳動起靜  
鳥陰稀餘桑間縷盡晚蠶小吾徒當斯時此道可  
以了

平去聲

怡神時高吟快意乍四顧村深啼愁鵬浪霽醒睡  
驚書疲行終朝罩困臥至暮吁嗟當今交暫貴便  
異路

平入聲

先生何違時一室習寂歷松聲將飄堂岳色欲歷

席彈琴奔玄雲斲藥折白石如教題君詩若得札  
玉冊

苦雨中又作四聲詩寄魯望

平聲

淅淅將經旬昏昏空迷天鷓鴣成羣嬉芙蓉相隈  
眠魚通簑衣城帆過菱花田秋收吾無望悲之真  
徒然

平上聲

河平州橋危壘晚水鳥上衝崖搜松根點沼寫芡  
響舟輕通縈紆棧墮阻指掌携機將尋君清滿堂



可往

平去聲

狂霖昏悲吟瘦桂對病臥簷虛能影斜舍蠹易漏  
破宵愁將琴攻晝悶用睡過堆書仍傾觴富貴未  
換箇

平入聲

羈棲愁霖中缺宅屋木惡荷傾還驚魚竹滴復觸  
鶴閒僧千聲琴宿客一笈藥悠然思夫君忽憶蠟  
屐着

和魯望疊韻雙聲二首

疊韻山中吟

穿烟泉潄潄觸竹犢  
穀穀荒篁香墻匡  
熟鹿伏屋曲

雙聲溪上思

疎杉低通灘冷鷺立亂浪草彩欲夷猶雲容空澹  
蕩

和疊韻吳宮詞二首

侵深尋嶽岑勢厲衛睥睨荒王將鄉亡細麗蔽袂  
逝

枵指替製曳康莊傷荒涼主虜部伍苦嬌亡房廊

香

和風人詩三首

刻石書離恨因成別後悲莫言春蘭薄猶有萬重思

鏤出容刀飾親逢巧笑難日中騷客珮爭柰卽闌干

江上秋聲起從來浪得名逆風猶挂席苦不會凡情

和閒居雜題五首

以題十五字離合

晚秋吟

東臯烟雨歸耕日  
免去玄冠手刈禾  
火滿酒爐詩在口  
今人無計奈儂何

好詩景

青盤香露傾荷女  
墨風流更不言  
寺寺雲蘿堪度日  
京塵到死撲侯門

醒聞檜

解洗餘醺晨半酉  
星星仙吹起雲門  
耳根無厭聽佳木  
曾盡山中寂靜源

寺鍾暝

百緣斗薨無塵土  
寸地章煌欲布金  
重擊蒲牢嶺

山日冥冥烟樹靚棲禽

砌思步

襪襪古薜繡危石切切陰蟬應晚田心事萬端何處止少夷峰下舊雲泉

和藥名離合夏日卽事三首

季春人病拋芳杜仲夏溪波繞壞垣衣典濁醪身倚桂心中無事到雲昏

數曲急溪衝細竹葉舟來往盡能通草香石冷無辭遠志在天台一遇中

桂葉似茸含露紫葛花如綬蘸溪黃連雲更入幽

深地骨錄閒携相獵郎

懷錫山藥名離合二首

暗竇養泉容泱泱明園護桂放亭亭歷山居處當天半夏裏松風盡足聽

曉景半和山氣白薇香清淨雜纖雲實頭自是眠平石腦側空林看鹿羣

懷鹿門縣名離合二首

山瘦更培秋後桂溪澄閒數晚來魚臺前過雁盈千百泉石無情不寄書

十里松蘿陰亂石門前幽事雨來新野霜濃處憐

殘菊潭上花開不見人

和寒日古人名一絕

北顧歡遊悲沈宋

梁武改爲北顧

南徐陵寢嘆齊梁水邊

韶景無窮柳寒被江淹一半黃

和曉起迴文

孤烟曉起初原曲碎樹微分半浪中湖後釣筒移  
夜雨竹傍眠几側晨風圖梅帶潤輕霑墨畫蘚經  
蒸半失紅無事有杯持永日共君唯好隱墻東  
附

陸龜蒙

見後卷

張賁

即潤鄉見已策

樓嵩起

姑蘇志稱秀才都人

聯句

寒夜聯句

靜境揖神凝寒華射林缺

龜蒙

清知思緒斷爽覺心

源澈

日休

高唱戛金奏明詠鏗玉節

龜蒙

我思方沈寥

君詞復淒切

日休

况聞風篁上擺落殘凍雪

龜蒙

寂爾

萬籟清皎然諸霧滅

日休

西窓客無夢南浦波應結

龜蒙

河光正如劍月魄方似玦

日休

短燼不禁挑冷毫

看欲折

龜蒙

何夕重相期濁醪還為設

日休



開元寺樓看雨聯句

海上風雨來掀轟雜飛電登樓一凭檻滿眼蛟龍

戰

龜蒙

須臾造化慘倏忽堪輿變萬戶響戈鋌千家

披組練

日休

羣飛拋輪石雜下攻城箭點急似摧胸

行斜如中面

龜蒙

細洒魂空冷橫飄目能眩垂簷珂

珮喧掣瓦珠璣濺

日休

無言九咳遠瞬息馳應逼密

處正垂組微時又懸綫

龜蒙

寫作玉界破吹爲羽林

旋翻傷剝缺勞却怕豐隆倦

日休

遙瞻山露色漸覺

雲成片遠樹欲鳴蟬深簷尚藏燕

龜蒙

殘雷隱蟬盡

反照依微見天光潔似磨湖彩熟于練

日休

疎帆逗

前渚晚磬分涼殿接思強揮毫窺詞幾焚硯龜估

栗烏皮几輕明白羽扇暉景好踈吟餘涼可清宴

日君携下高燈僧引還深更皎蘇淨鋪筵低松濕

垂髫齋明乍虛豁林霽逾蔥蒨倩早晚重登臨欲

去多離戀日

北禪院避暑聯句院背為戴顓宅後司勳陸郎中居之

歊蒸何處避來入戴顓宅逍遙脫單綯放曠拋輕

策爬搔林下風偃仰澗中石日殘蟬烟外響野鶴

沙中跡到此失煩襟蕭然揖禪伯藤懸疊霜蛻桂

倚支雲錫龜清陰豎毛髮爽氣舒筋脉逐幽隨竹

書選勝鋪菰席魚跳上紫莢蝶化綠青壁

目休心是

玉蓮徒耳爲金磬敵吾宗昔高尚志在羲皇易豈

獨斷韋編幾將列鐵牆

龜蒙

天書旣屢降野抱難自

適一入承明廬盱衡論今昔流光不容寸斯道甘

枉尺

日休

旣起謝儒玄亦翻商羽翼封章帷幄遍夢

寐江湖白擺落函谷塵高歌華陽憤

龜蒙

詔去雲無

信歸來鶴相識半病奪牛公全慵捕魚客少微光

一點落此芒礫索

日休

釋子問池塘門人廢幽蹟堪

悲東序寶忽變西方籍不見步兵詩空懷康樂屐

龜蒙 高名不可效勝境徒堪惜墨沼轉踈蕪玄齋踰

人間寂遲遲不可去涼颼滿杉柏日休日下洲島清煙

生苾芻碧俱懷出塵想共有吟詩癖終與淨名遊

還來雪山覓

龜蒙

### 寒夜文宴聯句

文星今夜聚應在斗牛間日休載石人方至乘槎客

未還

賁

送觴繁露曲徵句白雲顏

龜蒙

節奏惟聽竹

從容只話山

日休

理窮傾秘藏論猛折玄關

賁

鄰酒

分中綠已牋擘處殷

龜蒙

清言聞後醒強韻壓來艱

日休犀柄當風揖瓊枝向月攀

賁

松吟方際際泉夢

憶潺潺

龜蒙

一會文章草昭明不可刪

日休

報恩寺南池聯句

古岸涵碧落

龜蒙

虛軒明素波坐來魚陣變

日吟久

菊

多秋草分杉露

龜蒙

危橋下竹坡遠峰青髻並

龜蒙

再和趙論寒仍講

日休

支酬僻亦過齋心

曾養鶴

龜蒙

揮翰好邀鵝

南峯院

即故相

倚石收奇

藥

龜蒙

臨溪藉淺莎桂花晴似拭

日休

荷鏡曉如磨翠

出牛頭聳

龜蒙

苔深馬跡跛

石上有支

傘歌從野醉

龜蒙

巾側任田歌跣跣松形矮

日休

般跚檜櫓雞香飛

僧印火

龜蒙

泉急使鑣珂菱鈿真堪帖

龜蒙

簞絲亦好

拖幾時無一事

日休

相伴着烟蘿

龜蒙

寂上人院聯句

瘦床空默坐清景不知斜暗數菩提子閒看薜荔

花

休

有情唯墨客無語是禪家背日聊依桂嘗泉

欲試茶

家

石形蹲玉虎池影閃金虵經笥安巖叵

銷囊挂樹樞

休

書傳滄海外龕寄白雲漉竹色寒

凌箔燈光靜隔紗

家

趣幽翻小品逐勝講南華莎

彩融黃露蓮衣染素霞

休

水堪傷聚沫風合落天

葩若許傳心印何辭古堞餘

家

獨在開元寺避暑頗懷魯望因飛筆聯句

煩暑雖難避僧家自有期泉甘于馬乳苔滑似龍

藻日任誕襟全散臨幽榻旋移松行將雅拜篁陣

欲交麾

龜蒙

望塔青髻識登樓白鴿知石經森欲動

珠像儼將怡筠簟臨杉穗紗巾透雨絲靜譚蟬噪

少涼步鶴隨遲

日休

烟重迴蕉扇風輕拂桂帷對碑

吳地說開卷梵天詞積水魚梁壞殘花病枕歆懷

君瀟洒處孤夢繞罌愚

龜蒙

### 藥名聯句

爲待防風餅須添薏苡杯

張翥

香燃柏子後罇泛菊

花來

日休

石耳泉能洗垣衣雨爲裁

龜蒙

從容犀局靜

斷續玉琴哀

賈

白芷寒猶採青箱醉尚開

日休

馬街

衰草臥烏啄蠹根迴龜雨過蘭芳好霜多桂末摧

貴朱兒應作粉雲母詎成灰日藝可屠龍膽家曾

近燕胎龜牆高牽薜荔障軟感玫瑰貴鷗鼠啼書

戶蝸牛上硯臺日誰能將藻本封與玉泉才龜

夜會問答十首

寒夜清日休問簾外迢迢星斗明況有簫陽洞中

客吟為紫鳳呼鳳聲

瘦木杯龜杉贅楠瘤刻得來莫怪家人畔邊

笑渠心祗愛黃金罍

落霞琴日休問寥寥山水揚清音玉皇仙馭碧雲

潤卿



遠空使松風終日吟

蓮花燭

黃問  
襲美

亭亭嫩藥生紅玉不知含淚怨何人

欲問無由得心曲

金火障

口休問  
魯望

紅獸飛來射羅幌夜來斜展掩深

爐半睡芙蓉香蕩漾

憶山月

龜蒙問  
潤卿

前溪後溪清復絕看看又及桂花

時空寄子規啼處血

錦鯨薦

黃問  
襲美

碧香紅膩承君宴幾度閒眠却覺來

彩鱗飛出雲濤面

懷溪雲

口休問  
魯望

漠漠閒籠鷗鷺羣有時日暮碧將

合還被漁舟來觸分

霜中笛

龜蒙問  
襲美

落梅一曲瑤華滴不知青女是何

人三奏未終頭已白

月下橋

日休問  
魯望

風外拂殘衰柳條倚欄杆處獨自

立青翰何人吹玉簫

戊籤七十三

唐音統籤卷

六百九十二

陸龜蒙字魯望蘇州人博學工歌詩及賦與顏荂

皮日休羅隱吳融爲友名振江南舉進士不第嘗

從張博爲蘇湖二郡從事退隱松江甫里多所論

撰初稱天隨子後自號江湖散人以高士召不赴

李蔚盧携素重之當國召拜拾遺詔方下卒

事出正史

林希逸辨盧李乾符五年罷相龜蒙叢書光化中

自序乾符六年尚臥病笠澤疑史有未確

贈右補闕集二十卷今編詩爲十二卷

自撰甫里先生傳曰

先生性野逸無羈檢讀書探六籍大義尤樂春秋

平居以文章自怡雖幽憂疾病中無旬日生計未

嘗暫輟黠鼠塗抹投筐篋歷年不能淨寫一本少

攻詞詩遇事輒變化不一其體裁始則輕輭波濤

穿穴隙固因鎖怪異破碎陣敵卒造平澹而後已  
好潔几格窗戶硯席剪然無塵埃得一書詳熟然  
後真值本卽校不以再三爲限所藏雖少咸正定  
可傳借人書有斷壞緝之謬誤刊之樂聞人學講  
論不倦有田數百畝屋三十楹田皆丁雨潦則與  
江通由是苦飢躬負畚鍤無休時嘗舛置園願渚  
山下歲入茶租爲品第繼茶經茶譜後高僧道人  
時致惠山石泉虎丘吳松江水以助其好初病酒  
再暮後能起有客至亦潔樽置饌但不復引滿性  
不喜與俗人交雖詣門不得見是不置車馬不預慶  
弔內外姻黨伏臘喪祭未嘗以時往或獲簪得中  
體性無事時乘小舟設篷席管一東書茶籠筆牀  
釣具擢船郎而已所請小不會意徑還不留性狷  
急遇事發作尋復悔之無大過亦無出入事不傳  
姓名世無有得之者豈浩翁漁父江上丈人之流  
者乎唐宋志載龜蒙笠澤叢書三卷詩編十卷  
又與皮日休偕和松陵集十卷寶祐中吳人葉茵  
合刻之名甫里先生集今行世二十卷者是也甫  
里故宅今爲白蓮花寺有墓有祠齊東野語云祠  
中像設皆當時物咸淳中有盛氏子醉仆其像於

水滿腹皆平生詩文稿得守倪普置  
盛罪更爲塑像其腹藁不復得矣

### 四言古詩

#### 彼農二章

世路巖險淳風蕩除彼農家流猶存厥初稿焉而  
席茨焉而居首亂如葆形枯若膳大耋旣飴童子  
未齧音魚以負以載悉薊悉鉏我慕聖道我耽古書  
小倦于學時遊汝廬有飯一盛莫鹽莫蔬有繻一  
緹不襟不祛所謂饑寒汝何道歟

禹貢厥田上下各異善人爲邦民受其賜去年西  
成野有遺穗今夏南畝旱氣赤地遭其豐凶槩斂

無二退輪弗供進訴弗視號于旻天以血爲淚孟子有言王無罪歲詩之窮辭以嫉悍吏

祝牛宮辭

并序

冬十月耕牛爲寒築宮納而阜建之前日老農請乞靈于土官以從鄉教予勉之而爲之辭四牝三牝中一去乳天霜降寒納此室處老農拘拘度地不畝東西幾何七舉其武南北幾何丈二加五偶楹當間載尺入土太歲在亥餘不足數上締蓬茅下遠官府耕耨以時飲食得所或寢或臥免風免雨宜爾子孫實我倉庾

五言古詩

漢琴歌

挾琴爲君撫君嫌聲太古  
寥寥倚浪系嚒嚒沈湘  
語賴有秋風知清冷吹玉柱

鳴鴈行

朔風動地來吹起沙上聞  
闌中有邊思玉筍此時  
橫莫怕兒女恨主人烹不鳴

江南曲

爲愛江南春涉江聊采蘋  
水深烟浩浩空對雙車  
輪車輪明月圓車蓋浮雲盤雲月徒白好水中行  
路難遲遲洛陽道夾道生春草寄語棹船郎莫誇

風浪好

又五解

魚戲蓮葉間  
參差隱葉扇  
鵝鵲鵬鵒  
窺漱澗無因見

魚戲蓮葉東  
初霞射紅尾  
傍臨謝山側  
恰值清風起

魚戲蓮葉西  
盤盤舞戲急  
潛依曲岸涼  
正對斜光入

魚戲蓮葉南  
欹危午煙疊  
光搖越鳥巢  
影亂吳娃櫂



魚戲蓮葉北澄陽動微漣回看帝子渚稍背鄂君船

贈遠曲

茱萸匣中鏡欲照心還懶本是細腰人別來羅帶緩從君出門後不奏雲和管妾思冷如簫時時望君暖心期夢中見路永魂夢短怨坐泣西風秋牕月華滿

築城詞

一本分二首誤

城上一培土手中千萬杵築城畏不堅堅城在何處莫歎築城勞將軍要却敵城高功亦高爾命何

足惜

嬋好怨

妾貌非傾國君王忽然寵南山掌上來不敵新恩  
重後宮多窈窕日日學新聲一落君王耳南山又  
須輕

井上桐

美人傷別離汲井常待曉愁因轆轤轉驚起雙棲  
鳥獨立傍銀牀碧梧風嫋嫋

門前路

門前向城路一直復一曲曲去日中還直行日暮

宿何必日中還曲塗荆棘間

素絲

園客麗獨繭詩人吟五纓如何墨子淚反以悲途  
窮我意豈如是願參天地功爲綫補君袞爲絃繫  
君桐左右修闕職宮商還古風端然潔白心可與  
神明通

美人

美人抱瑾瑟哀怨彈別鶴雌雄南北飛一旦異栖  
託諒非金石性安得宛如昨生爲並蒂花亦有先  
後落秋林對斜日光景自相薄猶欲悟君心朝朝

佩蘭若

別離

丈夫非無淚不灑離別間  
仗劍對樽酒耻爲遊子  
顏蝟蛇一螫手壯士疾解腕  
所思在功名離別何足歎

惜花

人壽期滿百  
花開唯一春  
其間風雨至  
旦夕旋爲塵  
若使花解愁  
愁于看花人

雜詠九首

紅蠶緣枯桑青繭大如甕  
人爭捩

力結力其臂  
計二切

矢亦不中微微待賢祿一一希入夢縱操上古言  
口噤難卽貢蛟龍在怒水拔取牙角弄井穴如可  
游家家畜孤鳳凶門尚見戲戰血波鴻溶社鬼苟  
有靈誰能遏秋慟

童麋來觸犀德力不相及伊無愜心事祇有碎首  
泣况將鵬蝨校數又百與十攻如餓鴟叫勢若脫  
兔急斯爲朽關鍵怒犖挾以入年來橫干戈未見  
拔城邑得非佐饗者齒齒待啜汁羈維豪傑輩四  
駭方少繫此皆乘時利縱舍在呼吸吾欲斧其吭  
無雷動幽蟄

鵲鵲慘于冰陸立懷所適斯人道仍悶不得不鳴  
呃當時布衣士亦作天子客至今東方生滿口自  
誇白終爲萬乘交談笑無所隔致君非有書乃是  
堯舜畫祗今侯門峻日掃貧賤迹朝趨九韶音幕  
列五鼎食如聞恭儉語審審事夕惕可拍伊牧肩  
功名被金石

赤舌可燒城讒邪易爲伍詩人病之甚敢俾投豺  
虎長風吹竈木始有音韻吐無木亦無風笙簧由  
喜怒女媧鍊五石天缺猶可補當其利口銜鏤漏  
不復數元精遺萬類雙目如牖戶非是旣相參重

瞳亦爲瞽

東南有狂兇獵者西北矢利塵日冥冥獨此清夜  
止無人語其事偶坐窺夫紀安得東壁明洪洪用  
墳史搜揚好古士一以聲雲水流堪灑菁英風足  
去稗秕如能出奇計坐可平賊壘徐陳羲皇道高  
駕太平軌攫疏成特雄濯垢爲具美貢賢當上賞  
景福祝所履永播南薰音垂之萬年耳

有藥何青青空城雪霜裏千林盡枯槁苦節獨不  
死他遭匠石顧總入犧黃美遂得保天年私心未  
爲耻高從宿梟怪下亦容螻蟻大厦若掄材亭亭

託君子

左右佩劍者彼此亦相笑趨時與閉門喧寂不同

調潛機取聲利自許臻乎妙志士以神窺慚寂

一作

然真可弔天之發遐籟大小隨萬竅魁其鑪冶姿  
形質惟所召鼗笙磬竽瑟是必登清廟伊聖不吾  
欺誰能守蓬藿

橫笛喝秋風清商入疏越君居不夜城肯怨孤戍

月吳兵甚犀利太白光突兀日已費千金厯

一作僅

聞侵一壑豈無惡年少縱酒遊俠窟募爲敢死軍  
去以梟賊卒豈無中林士貫穿學問骨兵法五十



家浩蕩如溟渤高懸鹿皮睡清潤時依樾分已諾  
煙霞全遺事干謁旣非格猛獸未可輕華髮北面  
師其謀幾能止征伐何妨秦豈勇又有曹劇說堯  
舜尚狗芻公平聽無忽

朝爲壯士歌暮爲壯士歌壯士心獨苦傍人謂之  
何古鐵久不快倚天無處磨將來易水上猶足生  
寒波捷可搏飛狻健能超彘馳羣兒被堅利索手  
安馮河驚颺掃長林直木謝植科嚴霜凍大澤僵  
龍不如蛇昔者天血碧吾徒安歎嗟

村夜二首

江上冬日短徘徊草堂暝鴻常絕塞來客向孤村  
病綿綿起歸念咽咽興微詠菊徑月方高橘齋霜  
已併盤飧蔬粟粗史籍籤牌盛目冷松桂閒耳喧  
兒女競開瓶浮蟻綠試筆秋毫勁畫戶亦重關寒  
屏遞相映詩從騷雅得字費鉛黃正遇敵舞蛇矛  
逢談捉犀柄無名升甲乙有志扶荀孟守道希昔  
賢爲文通古聖幽憂廢長劍顛顛慙清鏡祇會魚  
鳥情詎知時俗性浮虛多狗勢老懶徒歷聘既不  
務人知空餘樂天命如何在田野家事苦遼夏耕  
稼一以微困倉自然罄愁襟風葉亂獨坐燈花迸

癸成浩歌誰能少傾聽

賤文章歸來事耕稼伊人著農道

元倉子有農道篇

我亦賦田舍所悲勞者苦敢用辭爲詫  
祇效芻牧言誰防輕薄罵嚙今居寵祿各自矜雄霸堂上考  
華鐘門前竚高駕纖洪動絲竹水陸供鱸炙小雨  
靜樓臺微風動蘭麝吹噓川可倒眄花爭姹萬  
戶膏血窮一筵歌舞價安知勤播植率歲無閒暇  
種以春鷹初穫從秋隼下專專望種桂搢搢條桑  
杯日晏腹未充霜繁體猶裸平生守仁義所疾唯  
狙詐上誦周孔書沈湎至酣藉豈無致君術堯舜

馳上下豈無活國方頗牧齊教化蛟龍任乾死雲  
雨終不借羿臂束如囚徒勞誇善射才能誚箕斗  
辯可移嵩華若與呌輩量饑寒殆相亞長吟倚清  
瑟孤憤生遙夜自古有遺賢吾客偏稱謝

### 紀事

本作漁釣徒心將遂疎放苦爲饑寒累未得恣閒  
暢去年十二月身住雲溪上病裏賀豐登雞豚聊  
饋餉巍峩卞山雪凝冽不可向瘦骨倍加寒徒爲  
厚繒纈晴來露青靄千仞缺尋丈卧恐玉華銷時  
時推枕望雖然榮衛困亦覺精神王把筆強題詩

粗言瓌怪狀吳興鄭太守文律頗清壯鳳尾與鯨

牙紛玃落新唱緘書寄城內唐突無以況料峭採

蓮船縱橫簸天浪方傾謝公詠忽值莊生喪鄭員外仁

規是年受代俄喪偶默默阻徽音臨風但惆悵春歸殆秋末

固自嬰微恙歲晏弗躬親何由免欺誑今來觀刈

穫乃在松江並步浪切門外兩潮過波瀾光蕩漾都

緣新卜築是事皆草創爾後如有年還應慙微尚

天高氣候爽野迥襟懷曠感物動牢愁憤時頻骭

髒平生樂篇翰至老安敢忘駿骨正牽鹽玄文終

覆醬嗟今多赤舌見善唯蔽謗忖度大爲防涵容

寬作量圖書筐篋外關眼皆賸長餓隸亦勝無薄  
田家所仰稍離饑寒患學古真可強聖道庶經營  
世途多踉蹌近聞天子詔復許私醞釀趨使春酒  
材呼兒具盆盎宵長擁吟褐日晏開書幌我醉卿  
可還陶然似元亮

引泉

睦州龍興觀  
老君院作

上嗣位六載吾宗刺桐川余來拜旌戟詔下之明  
年是時春三月繞郭花蟬聯嵐盤百萬髻上挿黃  
金鈿授以道上館置榻于東偏滿院聲碧樹空堂  
形老仙本性樂凝澹及來更虛玄焚香禮真像鹽

手披靈編新定山角角烏龍獨巉然除非淨睛目  
不見蒼崖巔上有擎雲峰下有噴壑泉泉分數十  
汭落處皆崢嶸寒聲入爛醉貼破西牕眠支筇起  
獨尋祇在墻東邊呼童具畚鍤立鑿莓苔穿藤淙  
一派墮練帶橫斜牽亂石拋落落寒流響濺濺狂  
奴七里瀕縮到疎楹前跳花潑半散涌沫飛旋圓  
勢束三峽掛瀉危孤磴懸曾聞瑤池溜亦灌朱草  
山甕伯弄翠藥鸞雛舞丹煙淩風捩桂棹隔霞馳  
犀船况當玄元家嘗著道德篇上善可比水斯文  
叅五千精靈若在此肯惡微波傳不擬爭滴瀝還

應會淪漣出門後

一作復

飛箭合勢浮青天必有學

真子鹿冠秋鶴顏如能輔余志日使疏其源

### 孤鴈

我生天地間獨作南賓鴈哀鳴慕前侶不免飲啄  
晏雖蒙小雅詠未脫魚網患矧是婚禮須憂爲弋  
者纂晴鷺爭上下意氣苦凌慢吾常嚇鷺雛爾輩  
何足訕迴頭語晴鷺汝食腐鼠慣無異鷺駘群戀  
短豆阜棧豈知瀟湘岸葭茨蘋萍間有石形狀奇  
寒流古來灣聞看麋鹿志了不愛芻豢世所重巾  
冠何妨野夫非騷人誇蕙芷易象取陸莧漆園逍



選篇中亦載尺鴟汝惟才性下嗜好不可諫身雖  
慕高翔糞壤長盼或聞通鬼魅怪祟立可辨  
簇書尚存寧容恣妖幻周禮審簇氏掌覆天鳥之巢若讀爲藹簇讀爲爵簇  
之簇謂巢也

紀夢游甘露寺

寺在京口北固山上

昔卧嵩高雲雲窗正寒夕披裘忽生夢似到空王  
宅我天一峯立欄楯橫半壁級倚綠巔差關臨赤  
霄闢捫虛陟孤峭不翅千餘尺疊掌望累不懸分明  
袒肩釋凌香稽首罷嘹唳高戶承北風聲  
號太波白光中目難送定驗方可覩樹細鴻濛烟

島踈零落碧須臾群籟入空水相噴激積浪亞寒  
堆呀如鬪危石跳音簇鞀鼓鏗鏘才較鳥疾帆  
亦奔紛紛助勃敵思非水靈龍門是饑龍擘怯懾  
不敢前荷襟汗霑露迴經定僧處泉木光相射巖  
嶺雲族栖松柯露華適逍遙得真趨邈迤尋常跡  
山腹貯孤亭嵐根四垂帘誰題雪月句乃是曹劉  
格愛樹亭有故太尉房公詩闕一技瓊邊樓數聲笛吟高矍  
然起若自蒼旻擲短燭墮餘花圓蟾掛斜魄自從  
神錫境無處不登陟忽上南徐山心期豁而獲豈  
伊煩惱骨合到清涼域暗得蝴蝶身幽奇盡相識

奈何有名氏未列金閨籍  
翻慙非頂童得奉真如  
策雲濤觸風望毫管和烟  
搗聊紀夢中遊留之間  
禪客

感事

將軍被鮫函祗畏金矢鏃  
豈知讒箭利一中成赤  
族古來信簧舌巧韻淒鏘  
曲君聞悅耳音盡口聽  
不足初因起毫髮漸可離  
骨肉所以達賢心求人  
須任目

南溼漁父

一作南溪

予方任疎慵地僻卽所好  
江流背村落偶徃心已

嫪

力報切

田家相去遠岑寂且縱傲出戶手先筇兄

人頭未帽南涇有漁父徃徃攜稚造問其所以漁  
對我真蹈道吾初籍魚鼈童艸至于耄窟穴與生  
成自然通壺奧孜孜戒吾屬天物不可暴大小叅  
去留候其孳養報終朝獲漁利魚亦未嘗耗同覆  
天地中違仁辜覆燾余觀爲政者此意涼難到民  
皆歿搜求莫肯與懸悼今年川澤旱前歲山源潦  
牒訴已盈庭聞之類禽噪譬如衆雞鷺豈不容乳  
抱孟子譏宋人非其摠苗躁吾嘉漁父肯雅叶賢  
哲操儻遇採詩官斯文誠敢告